

**ILULISSANI NAJUKKAMI ATAATSIMIITITALIAP
ILEQQUUSUMIK ATAATSIMIINNERA
MARLUNNGORNEQ ULLOQ 24. JANUAR 2023 NAL. 13:00**

Peqataasut: Jens Peter Kleist Rosbach, Siulittaasoq
Jonas Fleischer, Siulittaasup tullia
Paarnanguaq Mathiassen, ilaasortaq
Brian Grønvold, ilaasortaq
Aqqalu Jerimiassen kommunalbestyrelsimit toqqangaq

Pisortaq: Gerhard Jakobsen, allattoqarfimmi pisortaagallartoq
Imaqarniliortoq: Allaffimmi pisortaagallartoq
Immikkut peqataasut:
Nutserisut:
Ingerlannera: Ammasoq

ILUNA	SAMMISAT	BILAG
23-001	Ilulissani Najukkami Ataatsimiititaliamut aningaasaliissutit killiffiat	001
23-002	Filmimik takutitsinissamik neqoroort	002
23-003	Aningaasaliiffigineqarnissamik qinnuteqaat	003
23-004	Qoororsuup Seersuillu akornanni inuinnaat aqquaat	004
23-005	Containerimik pisinissamik siunnersuut	005
23-006	Qinngussuit inissineqarnissaanut aningaasaliissutissatut siunnersuut	006
23-007	Ikaartarfiup toqusut inaata tungaanoortup annikkitsumik ilanissaanik siunnersuut	007
23-008	Peqqinneq Sunngiffiup Sermermiullu aningaasaliiffigineqarnissaanut siunnersuut	008
23-009	Sissami issiaviliinissamut siunnersuut	009

Aaliangiineq:

--

Sag nr.	Sammissaq	Bilag nr.	001
ILUNA 23-001	Ilulissani Najukkami Ataatsimiititaliamut aningaasaliissutit killiffiat	Journal nr.	

Uteqqiineq:

Ilulissani Najukkami Ataatsimiititaliamut aningaasaliisutit atunerup killiffia saqqummiunneqarpoq.

Suliap saqqummiunna:

Ilulissani Najukkami Ataatsimiititaliamut kommunalbestyrelsip ukiumut 2023-imut aningaasaliissutaanik atunerup killiffia ulloq 19. januar 2023 ilanngullugu ataani takuneqarsinnasutut naatsorsorneqarpoq.

Najukkami Ataatsimiititaliaq

Najukkami Ataatsimiititaliaq	Miss. 2023	Tap 2023	Iluar. 2023	Atuineq	Sinneruttut	Atuineq %
Tusarniaanernut	825.000		825.000	0	825.000	0%
Kultureqarnermut	750.000		750.000	0	750.000	0%
Timersornermut	769.000		769.000	0	769.000	0%
Inuiaqatigiinnut	100.000		100.000	0	100.000	0%
Najukkami Ataatsimiititaliaq	2.444.000	0	2.444.000	0		

Ukiup taamaalinerani akiligassiissutit suli takkuttoqanngimmat aningaaliissutit atuineq taamatut isikkoqarallarpoo.

Aningaasaqarnermi kingunerisinnaasat:

Atunerup taamatut inissisimanerata ukiup sinnarnut suliniutinut assigiinngitsunut aningaasaliinissaq periarfissaarutippaa.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq

Suliamik isumaginnineq:

Ilulissani Najukkami Ataatsimiititaliaq

Inassuteqaat:

Ilulissani Najukkami Ataatsimiititaliamut inassuteqaat.

Allattoqarfiup Ilulissani Najukkami Ataatsimiititaliamut inassutigivaa aningaasaliissutinik atuinerup killiffianik saqqummiusineq tusaatissatut ataatsimiititaliap tigussangaa.

Ilanngussat:

Soqanngilaq.

Aalajangiineq:

Sag nr.	Sammissaq	Bilag nr.	002
ILUNA 23-002	Filmimik takutitsinissamik neqoroort.	Journal nr.	

Uteqqiineq:

Filmik takutinnissaamut neqoroorummik Ilulissani Najukkami ataatsimiititaliaq tigusaqarpoq. Suliami uani Ilulissani Najukkami Ataatsimiititaliap neqoroort oqaluuserissavaa aaliangiiffigalugulu.

Suliap saqqummiunnera:

Filmip Tsumu Sermermiuni ulloq 6. februar 2023 marloriarluni takutinneqarnissaanut neqoroort Ilulissani Najukkami ataatsimiititaliap siulittaasuanut tunniunneqarpoq.

Filminik takutitsinerit innuttaasunik sammissassaqaqtitsinernut ilaapput, taamaammallu aningaasanik Najukkami Ataatsimiititalianut atugassanngortinneqartunit aningaasaliiffigineqarnissaat periarfissaqarluni.

Iluarsiinissamut siunnersuut – sammisanut tunngatillugu nalilersuineq

Aningaasat Najukkami Ataatsimiititalianut atugassanngorlugit kommunalbestyrelsip tunniuttagai, aqqissussanut innuttaasut amerlanerpaat akeqanngitsumik peqataaffigisinnaasaannut aningaasaliissutigineqartussaapput. Isiginnaatitsinerit, aaliangersimasunik siunertalinnik filmertitsinerit, paasisitsiniaanerit tamakkunungalugu assigusunik ingerlatsinerit innuttaasunik amerlasuunik peqataaffigineqarsinnaasut Najukkami Ataatsimiititalianit aningaasaliiffigineqarsinnaasunut ilaatinneqarput.

Ingerlariaqqinnissaq

Neqoroort akuerineqassappat, neqoroortoq aningaasaliiffigineqarneranik allakkatigut nalunaarfigineqassooq.

Akuersineq innuttaasunik akeqanngitsumik takutitsinissamik piumasaqaatitaqartoq ilanngullugu ilisimatitsissutigalugu.

Aningaasaqarnermi kingunerisinnaasat:

Neqoroort aningaasat Ilulissani Najukaami Ataatsimiititaliamit atugassanngorlugit kommunalbestyrelsip aningaasaliissutaasa iluani aningaasaliiffigineqarsinnaavoq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniiani Najukkami Ataatsimiititaliat Suleriusissat ulloq 27. september 2021-imeersoq

Suliamik isumaginnineq:

Ilulissani Najukkami Ataatsiititaliaq

Inassuteqaat:

Ilulissani Najukkami Ataatsimiititaliamut inassuteqaat.

Neqoroorut akueralugu Najukkami Ataatsimiititaliap aningaasaliiffigissangaa.

Ilanngussat:

Bilag 002-01: Neqoroorut

Aalajangiineq:

Sag nr.	Sammisag	Bilag nr.	003
ILUNA 23-003	Aningaasaliiffigineqarnissamik qinnuteqaat	Journal nr.	

Uteqqiineq:

Ilulissani peqatigiiffik maligaasat atorlugit aallakaatitsisinnannermut atortunik pisinissaminut aningaasaliiffigineqarnissaaminik qinnuteqarpoq. Suliami uani Najukkami Ataatsimiititaliap qinnuteqaat oqaluuserissavaa aaliangiiffigalugulu.

Suliap saqqummiunnera:

Ilulissani peqatigiiffik NEO – FM RADIO 93 MHz, radiukket aallakaatitsinermit atortorissaarutunik pisinissaminut aningaasaliiffigineqarnissamik, Ilulissani Najukkami Ataatsimiititaliaq qinnuteqarfigivaa. Peqatigiiffiup qinnuteqarnermini peqatigiiffik nammineq ingerlattuussaasoq, radiolu kikkunnit tamanit peqatigiiffinniit akiliilaarnikkut attartorneqarsinnaassasoq ilaatigut ilisimatitsissutigivaa.

Iluarsiinissamut siunnersuut – sammisanut tunngatillugu nalilersuineq

Sumiiffinni tamani Najukkami Ataatsimiititaliat inatsisitigut aaliangersakkat malillugit kommunalbestyrelsimit nakkutigineqartussaallutik pilersinneqarput. Tamanna tunngavigalugu sumiiffinni tamani Najukkami Ataatsimiititaliat kommunalbestyrelsip malittarisassiai suungaluartulluuniit malillugit sulisussaataapput.

Avannaata Kommuniiani kommunalbestyrelsip ileqqoreqqusaannut ilaatinneqarpoq tapiisarnermut ileqqoreqqusaq. Peqatigiiffiit qaqugukket sutigullu tapiiffigineqarsinnaanerattassani aaliangersagaavoq.

Peqatigiiffiit tapiiffigineqassappata piumasagaatit ilaatigut naammassineqarsimassapput makku:

- Piorsarsimassutsikkut ingerlatsineq sunngiffimmilu sammisassaqaartitsineq pillugit Inatsisartutlov nr. 5, 6. Juni 2016-meersumi allassimasut siunertat naapertorlugit Peqatigiiffiup anguniagassaasut allassimasut naammassissavai kiisalu Meeqqat inuusuttullu suliniaqatigiivinut init silamilu ingerlatsiviit pillugit Namminersorlutik Oqartussat nalunaarutaat nr. 20, 27. september 1988-imeersoq naapertorlugu anguniagassaasut allassimasut peqatigiiffiup naammassisimassavai.
- Pilersitsinertalimmik ataatsimeersuartitsoqareersimassaaq.
- Peqatigiiffiup ileqqoreqqusaani aalajangersakkat naapertorlugit ataatsimeersuartoqassaaq.
- Ileqqoreqqusaq naapertorlugu siulersuisuni ilaasortassanik qinersinerit ingerlanneqassapput.
- Ukiut tamaasa 30.april nallertinnagu naatsorsuutit kommunimut tunniunneqartassapput najukkami sunngiffimmi pisortamut imaluunniit sunngiffimmi aqutsisumut.
- Ilaasortat amerlassusaat, ilaasortaanermit akiliutissaq, pigisat aningaasallu uninngasuutit naatsorsuutini allassimassapput.
- Ataatsimeersuamermi kukkunersiuisussatut toqqameqartumit naatsorsuutit kukkunersiomeqassapput.
- Ukiup tullissanut sammisassanut pilersaarut najukkarni sunngiffimmi pisortamut/sunngiffimmi aqutsisumut kingusinnerpaarnik 31.1. nassiunneqarsimassaaq.

Qinnuteqaammi tunniunneqartumi ileqqoreqqusami peqatigiiffimmut tapiissutinik tunniussinnginnermi taperneqarnissamullu qinneqarnermi piumasagaatit ilaanngillat taamaammat qinnuteqaatip aaliangiiffiginissaanut tunngavissat pigineqartut annertuumik amingaateqarlutik.

Ingerlariaqqinnissaq

Ilulissani peqatigiiffik NEO – FM RADIO 93 MHz, aningaasaliiffigineqarnissaminik qinnuteqaataa akuerinnginnerani allakkatigut saaffigalugu, Avannaata Kommuniani tapiisarnermut ileqqoreqqusami piumasaqaatit naapertorlugit qinnuteqaatini ilallugit tunniussissasut ilisimatinneqassapput.

Kingunerisinnaasat:

Qinnuteqaatimmut ilassutininik tunniussinissamik piumasaqarnerup Avannaata Kommuniani kommunalbestyrelsip malittarisassatut aaliangersagaanik Ilulissani Najukkami Ataatsimiititaliaq eqqutitsissooq.

Aningaasaqarnermi kingunerisinnaasat:

Massakkugallartoq aningaasaqarnermi kinguneqassanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersoq
- Avannaata Kommuniani tapiisarnermut ileqqoreqqusaq ulloq 27. november 2017-imeersoq

Suliamik isumaginnineq:

Ilulissani Najukkami Ataatsiititaliaq

Inassuteqaat:

Ilulissani Najukkami Ataatsimiititaliamut inassuteqaat.

Qinnuteqaat tamatut isikkoqartillugu akuerineqassanngitsaq.

Peqatigiiffik allakkatigut saaffigalugu qinnuteqaatiminut ilassutissanik tunniussissaanik qinnuiginissaa akuerineqassasoq.

Ilanngussat:

Bilag 003-01:	Qinnuteqaat
Bilag 003-02:	Radiukkut aallakaatitsinnaanermut akuersissut
Bilag 003-03:	Radiukkut aallakaatitsissutinik tuniniaasartup paasissutissartai
Bilag 003-04:	Atortorissaarutinik tuniniaasup neqoroortaa
Bilag 003-05:	Avannaata Kommuniiani tapiisarnermut ileqqoreqqusaq

Aalajangiineq:

Sag nr.	Sammisag	Bilag nr.	004
ILUNA 23-004	Qoororsuup Seersuillu aqquataasa akornanni inuinnaat aqquataat	Journal nr.	

Uteqqiineq:

Qoororsuup Seersuillu aqquataasa akornanni inuinnaat aqquataat qisunnik ikaartarfilerneqassasoq siunnersuutigineqarpoq. Suliame uani Najukkami Ataatsimiititaliap siunnersuut oqaluuserissavaa aaliangiiffigalugulu.

Suliap saqqummiunnera:

Qoororsuup Seersuillu aqquataasa akornanni inuinnaat aqquataat 134 meterit missaani takissuseqartoq, qisunnik ikaartarfilernissaa koruunik 500.000-inik aningaasaliiffigineqassasoq siunnersuutigineqarpoq. Arsaataarfittaaq suliarineqarmat paasinarsivoq inissisimaffiata eqqaa naqqaqanngitsuusamik itissuseqartoq nunaallu qerisuaannartup ataa tarajuummat nuna kiviartortartoq.

Iluarsiinissamut siunnersuut – sammisanut tunngatillugu nalilersuineq

Silaannaap kissakkiartornerata kingunerisaanik aasakkut siallerujussuortalersaq maluginiarneqarpoq, tamassuma kingunerisaanik aqqutip pineqartup kiviartornissaa ilimanaateqarpoq. Tamatuma kingunerisinnaava ikaartarfik nalinginnaasutut sanaaq ukiuni aggersuni sukkasuumik aserfallakkiartussasoq ilimanarpoq, ukiullu tamaasa aserfallattaalinissaa pisariaqassalluni. Tamanna pinngitsoortinniarlugu aqut stabilgrusilersorneqarsinnaavoq tamaaliussagaanni ukiut tamaasa imaluunniit ukiut allortarlugit immeeqqittarnissaq naatsorsuutigineqarsinnaavoq. Puttasulikkamik ikaartarfiliorneq aamma periarfissatut eqqarsaatigineqarsinnaavoq ilanngussami Bilag 004-02 assimi takuneqarsinnaasut atorlugit, taamatut katitikkat pingasut imminnut 40-45 meterinik akuttutigisumik inissillugit ikkussuukkaanni aqquserngit pineqartut akorna nalinginnaasutut sanaamik ikaartarfiliorneqarsinnaassooq.

Ingerlariaqqinnissaq

Ikaartarfimmuut nalinginnaasutut sanaamut atortussat sananeralu imaluunniit stabilgrusilersuusagaluaaraanni qanoq akeqassanersoq teknikkimut immikkoortortaarfik suleqatigalugu misissorneqassooq. Tamanna naammassippat suliarinnittussarsiuusineq teknikkimut immikkoortortaarfik suleqatigalugu ingerlanneqassooq. Puttasunik tuniniaasartoq ilisimatitsivoq, puttasut pineqartut pisiarissagaanni katillugit koruuninik 15.525,00-inik akeqartut. Qallunaat nunaanniit nunatsinnut maanilu assartorneri koruuninik 30.000-iniit missaani naleqassapput.

Aningaasaqarnermi kingunerisinnaasat:

Siunnersuutip piviusunnigortinniarnera aningaasaliissutissatut siunnersuutip sapinngisamik iluaniitinniarineqassooq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersoq

Suliamik isumaginnineq:

Ilulissani Najukkami Ataatsiititaliaq

Inassuteqaat:

Ilulissani Najukkami Ataatsimiititaliamut inassuteqaat.

Qoorsuup Seersuillu aqputaasa akornnani inuinnaat aqputaat nalinginnaasumik sanaamik
ikaartarfiliorneqassasoq aaliangissangaa

imaluuniit

Stabilgrusilersorneqassasoq aaliangissangaa

imaluuniit

Puttasulikkamik ikaartarfiliorneqassasoq aaliangissangaa

Ilanngussat:

Bilag 004-01: Ikaartarfissap takissutissaata usersarnera

Bilag 004-02: Puttasut assigi

Bilag 004-03: Puttasunik tuniniaasup akinik nalunaarutaa

Aalajangiineq:

Sag nr.	Sammissaq	Bilag nr.	005
ILUNA 23-005	Containerimik pisinissamik siunnersuut.	Journal nr.	

Uteqqiineq:

Ilulissani Najukkami Ataatsimiititaliap containerimik pisinissaa siunnersuutigineqarpoq. Suliami uani Najukkami Ataatsimiititaliap siunnersuut oqaluuserissavaa aaliangiiffigalugulu.

Suliap saqqummiunnera:

Ilulisaani Najukkami Ataatsimiititaliap nammineq pigisaminut toqqorsivissaminik containerimik pisinissaanut ataatsimiititaliaq koruuninik 50.000-inik aningaasaliissasoq siunnersuutigineqarpoq.

Iluarsiinissamut siunnersuut – sammisanut tunngatillugu nalilersuineq

Ilulissani Najukkami Ataatsimiititaliaq ukiup ingerlanerani atortorissaarutininik assigiinngitsumik tikisitsisarpoq, kommunillu sulisuinit sumiiffiini assigiinngitsuni kommunip toqqorsiviinut tamakku inissinneqartarlutik. Ilaatigullu allamik inissiivissaqartoqanngikkaangat kommunip tigooraaviani inissisimasarlutik. Aaliangersimasumik toqqorsiviqannginnerup ilaatigut pigisat aserfallakkiartornerinik kinguneqartarpoq annertuumillu ujaasisarnermik aamma nassataqarsinnaasarluni. Taamaattumik nammineq pigisassamik Najukkami Ataatsimiititaliap containerimik pisinissaa pissusissamisoorpoq.

Ingerlariaqqinnissaq

Siunnersuutigineqartoq akuerineqarpat teknikkeqarfik suleqatigalugu containerimik pisiniarneq aallartinneqassooq aasartinnagu tikisinneqarnissaa siunertaralugu.

Kingunerisinnaasat:

Siunnersuutigineqartoq piviusunngortinneqarpat Ilulissani Najukkami Ataatsimiititaliap pigisai isumannaatsumik toqqorsimasalissapput.

Aningaasaqarnermi kingunerisinnaasat:

Containerimik pisineq Ilulissani Najukaami Ataatsimiititaliamit atugassanngorlugit kommunalbestyrelsip aningaasaliissutaasa iluani aningaasaliiffigineqarsinnaavoq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersoq

Suliamik isumaginninneq:

Ilulissani Najukkami Ataatsiititaliaq

Inassuteqaat:

Ilulissani Najukkami Ataatsimiititaliamut inassuteqaat.

Ilulissani Najukkami Ataatsimiititaliap containerimik pisinissaa akuerineqassasoq

Ilanngussat:

Soqanngilaq

Aalajangiineq:

Sag nr.	Sammasaq	Bilag nr.	006
ILUNA 23-006	Qinngussuit inissinneqarnissaanut aningaasaliissutissatut siunnersuut.	Journal nr.	

Uteqqiineq:

Qinngussuit Ilulissani Najukkami Ataatsimiititaliap pigisaasa inissinneqarnissaanut aningaasaliisoqassasoq siunnersuutigineqarpoq.

Suliami uani Najukkami Ataatsimiititaliap siunnersuut oqaluuseralugu aaliangiiffigissuaa.

Suliap saqqummiunnera:

Ilulissani Najukkami Ataatsimiititaliaq qinngussuarnik marlunnik toqqortaateqarpoq, nunami sumiiffinni assigiinngitsuni marlunni inissinneqarusuttunik. Qinngussuit sivisuumik toqqorsivimmi toqqortaatigineqareerput inissinnissaallu pisariaqalerluni.

Iluarsiinissamut siunnersuut – sammisanut tunngatillugu nalilersuineq

Qinngussuit illoqarfiup killeqarfiata iluani imaluunniit illoqarfiup killeqarfiata avataani sumiiffinni assigiinngitsuni inissinneqarsinnaapput. Illoqarfiup killeqarfiata iluani imaluunniit avataani inissinneqassappata, inatsisitigut piumasaqaatit assigiinngitsut naammassineqaqqaartussaapput. Illoqarfiup killeqarfiata iluani inissinneqassappata kommunip teknikkeqarfiani nunaminertalerisunut inissiffissatut siunniunneqartut atorummallugit qinnutigineqassapput. Illoqarfiup killeqarfiata avataanut inissinneqassappata kommunalbestyrelsi Namminersorlutillu Oqartussat inissiffissap taamatut atorneqarnissaanik akuersissummik qinnuigineqassapput.

Ingerlariaqqinnissaq

Sumi inissiinissaq aaliangerneqarpat, sumut inisseerusunneq apequtaatillugu oqartussat akisussaaffillit allakkatigut qinnuteqaammik tunniussivigineqassapput. Akuersissutit pissarsiarineqariarpata teknikkimut immikkoortortaqaarfik suleqatigalugu qinngussuit inissinnissaat suliarinnittussarsuunneqassooq.

Aningaasaqarnermi kingunerisinnaasat:

Qinngussuit inissinneqarnissaat Ilulissani Najukaami Ataatsimiititaliamit atugassanngorlugit kommunalbestyrelsip aningaasaliissutaasa iluani aningaasaliiffigineqarsinnaavoq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersoq
- Pilersaarusiorneq aamma nunaminertat atorneqarnerat pillugit Inatsisartut inatsisaat nr. 17, 17. november 2010-imeersoq.

Suliamik isumaginninneq:

Ilulissani Najukkami Ataatsiititaliaq

Inassuteqaat:

Ilulissani Najukkami Ataatsimiititaliamut inassuteqaat.

Qinngussuit sumi inissinneqarnissaat aaliangiiffigissangaa.

Ilanngussat:

Bilag 006-01: Ilulissat illoqarfiata taasumalu avataata nunap assinga.

Aalajangiineq:

Sag nr.	Sammasaq	Bilag nr.	007
ILUNA 23-007	Ikaartarfiup toqusut inaata tungaanoortup annikkitsumik ilanissaanik siunnersuut.	Journal nr.	

Uteqqiineq:

Zionip qaluffiata eqaani ikaartarfiup toqusut inaata tungaanoortup annikkitsumik ilanissaa siunnersuutigineqarpoq
Suliami uani Najukkami Ataatsimiititaliap siunnersuut oqaluuseralugu aaliangiiffigissuaa.

Suliap saqqummiunnera:

Zionip qaluffiata eqaani ikaartarfiup toqusut inaata tungaanoortup killiffia aqqusinermiit meterit 20-it sinnilaarlugit ungasissuseqarpoq. Siunnersuutigineqarpoq ikaartarfiup ilanissaanut koruuninik 200.000-inik aningaasaliiffigineqassasoq.

Iluarsiinissamut siunnersuut – sammisanut tunngatillugu nalilersuineq

Suliassap aallartinnginnerani nunaminertap pineqartup kommunimit imaluunniit ilagiit sinniisaannit akisussaaffigineqarnerisooq misissoqaartariaqarpoq kingusinnerusukkat allamik iliuuseqartariaqalernissaq pinngitsoorumallugu. Tamanna naammassereerpat ilagiit sinniisaat palaseqarfillu ikaartarfiup ilaneqarnissaanut qanoq isumaqarnerisut tusarniaaffigisariaqassapput.

Ingerlariaqqinnissaq

Siunnersuut akuerineqarpat nunaminertap pineqartup kimit akisussaaffigineqarnerisooq misissorlugu aallatissooq, tamannalu naammassippat nunaminertap siunertamut atornissaanut teknikkeqarfik akuersissummik piniarfigineqassalluni. Taamaaliernerullu saniatigut Ilulissani ilagiit sinniisaat palaseqarfillu tusarniaaffigineqassallunik. Taakkartukkat naammassippata suliassap qanoq akeqarsinnaanera teknikkeqarfik suleqatigalugu naatsorsorneqassalluni. Naggasiullugulu teknikkeqarfik suleqatigalugu suliarinnittussarsiorneq ingerlanneqassalluni.

Aningaasaqarnermi kingunerisinnaasat:

Aningaasaliissutissatut siunnersut Ilulissani Najukaami Ataatsimiititaliamit atugassanngorlugit kommunalbestyrelsip aningaasaliissutaasa iluani aningaasaliiffigineqarsinnaavoq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersoq
- Pilersaarusiorneq aamma nunaminertat atorneqarnerat pillugit Inatsisartut inatsisaat nr. 17, 17. november 2010-imeersoq.

Suliamik isumaginninneq:

Ilulissani Najukkami Ataatsimiititaliaq

Inassuteqaat:

Ilulissani Najukkami Ataatsimiititaliamut inassuteqaat.

Aningaasaliinissamut siunnersuut Ilulissani Najukkami Ataatsimiititaliap akuerissangaa.

Ilanngussat:

Bilag 007-01: Ikaartarfissap takissutissaata usersarnera.

Aaliangiineq:

Sag nr.	Sammissaq	Bilag nr.	008
ILUNA 23-008	Peqqinneq Sunngiffiup Sermermiullu aningaasaliiffigineqarnissaanut siunnersuut	Journal nr.	

Uteqqiineq:

Peqqinneq Sunngiffik aamma Kulturikkut Illorsuaq Sermermiut Najukkami Ataatsimiititaliamit aningaasaliiffigineqassasut siunnersuutigineqarpoq.
Suliami uani Najukkami Ataatsimiititaliap siunnersuut oqaluuserissavaa aaliangiiffigalugulu.

Suliap saqqummiunnera:

Peqqinneq Sunngiffik aamma Kulturikkut Illorsuaq Sermermiut iluminni agguagassaannik koruuninik 250.000-inik Ilulissani Najukkami Ataatsimiititaliamit aningaasaliiffigineqassasut siunnersuutigineqarpoq. Aningaasat taaneqartut sumut atorneqarnissaat siunnersuummi ersersinneqanngilaq.

Iluarsiiinissamut siunnersuut – sammisanut tunngatillugu nalilersuineq

Immikkoortortaqrifiit Peqqinneq Sunngiffik aamma Kulturikkut Illorsuaq Sermermiut Ilinniarnermut Ingerlatsiviup akisussaaffiisa ilagivai, tamannalu tunngavigalugu ingerlatsivik ukiut tamaasa aningaasartuutissat missingersuusiorterini immikkoortortaqrifinni taaneqartuni aningaasartuutaajumaartut ilanngullugit missingersuusiortarlugit. Missingersuutit ukiup ingerlanerani allannguuteqassappata allannguutissatut siunnersuutit Aningaasaqarnermut Ataatsimiititaliami oqaluuserisassanngorlugit ingerlatinneqartussapput kommunalbestyrelsimilu inaarutaasumik akuerineqartussaallutik. Peqqinneq Sunngiffik aamma Kulturikkut Illorsuaq Sermermiut aqqissussanut siumut pilersarusioriikkanut Najukkami Ataatsimiititaliamit aningaasanik tapiiffigineqarnissaminnik qinnuteqarunik aatsaat tapiiffigineqarsinnaapput.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersoq
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq

Suliamik isumaginninneq:

Ilulissani Najukkami Ataatsimiititaliaq

Inassuteqaat:

Ilulissani Najukkami Ataatsimiititaliamut inassuteqaat.

Aningaasaliinissamut siunnersuut Ilulissani Najukkami Ataatsimiititaliap itingartissangaa.

Ilanngussat:

Soqanngilaq

Aaliangiineq:

Sag nr.	Sammisaq	Bilag nr.	009
ILUNA 23-009	Sissami issiaviliinissamut siunnersuut	Journal nr.	

Uteqqiineq:

Sissami issiaviliinissaq aningaasaliiffigineqassasoq siunnersuutigineqarpoq. Suliami uani Najukkami Ataatsimiititaliap siunnersuut oqaluuserissavaa aaliangiiffigalugulu.

Suliap saqqummiunnera:

Ilulissani Najukkami Ataatsimiititaliap koruuninik 100.000-inik aningaasaliiffigisaanik issiaviliinissaq siunnersuutigineqarpoq. Siunnersuummi issiaviit sumi inissinneqarnissaat ersarissumik oqaatigineqanngilaq aamma qanoq amerlatiginersunik issiaviliinissaq takorloorneqarnersoq allaaserineqarani.

Iluarsiinissamut siunnersuut – sammisanut tunngatillugu nalilersuineq

Aningaasaliinissaq akuerineqarpat issiaviit avataaniit tikisitaassanersut imaluunniit maani Ilulissani sanaatinneqaassanersut aammalu amerlassusaat sumilu inissinneqassanersut ilanngullugit aaliangiiffigineqassapput.

Ingerlariaqqinnissaq

Issiaviit sumiinissat aaliangerneqareerpat nunaminertat pineqartut atorneqarnissaat teknikkeqarfimmut qinnutigineqassooq. Avataaniit tikisinneqassappata pisiniarfigineqarsinnaasut pitsaanerpaamik neqorooruteqarsinnaasut ugartorneqassapput inissititsiternissaallu suliarinnittussarsiorneqarluni. Maani Ilulissani sananeqarneqassappata suliarinnittussarsiorneq teknikkeqarfik suleqatigalugu ingerlanneqassooq.

Aningaasaqarnermi kingunerisinnaasat:

Aningaasaliissutissatut siunnersut Ilulissani Najukaami Ataatsimiititaliamit atugassanngorlugit kommunalbestyrelsip aningaasaliissutaasa iluani aningaasaliiffigineqarsinnaavoq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersoq
- Pilersaaruserneq aamma nunaminertat atorneqarnerat pillugit Inatsisartut inatsisaat nr. 17, 17. november 2010-imeersoq.

Suliamik isumaginnineq:

Ilulissani Najukkami Ataatsimiititaliaq

Inassuteqaat:

Ilulissani Najukkami Ataatsimiititaliamut inassuteqaat.

Issiaviit sumi inissinneqarnissaat aaliangiiffigineqassasoq

Avataaniit tikisinneqassanersut imaluunniit Ilulissani sananeqassanersut aaliangiiffigineqassasoq

Issiaviit amerlassusissaat aaliangiiffigineqassasoq

Ilannussat:

Soqallingilaq

Aaliangiineq:

--

Ataatsimiinneq naavoq nal.:

Atsiorfissaq:

Jens Peter Kleist Rosbach, Siulittaasoq

Jonas Fleischer, Siulittaasup tullia

Paarnannguaq Mathiassen, ilaasortaq

Brian Grønvold, ilaasortaq

Lena Ravn Davidsen,
kommunalbestyrelsesimit toqqangaq
